

Broj: 101-1- 4579 /24Datum: 06.12.2024

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-4552/24 od 4.12.2024. godine, rektorica Univerziteta „Džemal Bijedić“ u Mostaru donosi

### ODLUKU

#### **o izboru najpovoljnijeg ponuđača u postupku javne nabavke „Nabavka prozora za kino-salu Nastavničkog fakulteta Univerziteta 'Džemal Bijedić' u Mostaru“**

#### I

Prihvata se preporuka Komisije za javnu nabavku u postupku javne nabavke prozora za prozora za kino-salu Nastavničkog fakulteta, broj: 170-4552/24 od 4.12.2024. godine i ugovor o nabavci i isporuci robe dodjeljuje se ponuđaču „**GRADNJA“ d.o.o. Mostar, Maršala Tita 294, 88104 Mostar**, u skladu s ponudom broj: 13-11-150/24 od 18.11.2024. godine.

#### II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom od **5.940,00 KM bez PDV-a**.

#### III

Izabrani ponuđač je u ponudi dostavio dokumente u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), potvrđenih u izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD, te iste nije dužan ponovno dostavljati.

#### IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 7 dana, računajući od dana kada su ponuđači obaviješteni o izboru najpovoljnijeg ponuđača. Na način i u skladu sa članom 72. stav (3) Zakona, ugovorni organ dostavlja prijedlog Ugovora onom ponuđaču čija ponuda je po rang listi odmah nakon ponude najuspješnijeg ponuđača, u slučaju da najuspješniji ponuđač učini radnje koje su definisane navedenim članom Zakona.

#### V

Ova Odluka objavljuje se na web stranici Univerziteta, [www.unmo.ba](http://www.unmo.ba) istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

#### VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).



### Obrazloženje

Odlukom broj: 101-1-4092/24 od 1.11.2024. godine pokrenut je postupak javne nabavke prozora za opremanje kino-sale Nastavničkog fakulteta Univerziteta „Džemal Bijedić“ u Mostaru, u okviru projekta „Adaptacija II faze rekonstrukcije i opremanja sportske dvorane Sport i zdravlje za potrebe studenata i sportista Nastavničkog fakulteta Univerziteta „Džemal Bijedić“ u Mostaru“, putem konkurentskog zahtjeva za dostavu ponuda.

Komisija za provođenje postupka javne nabavke imenovana je Odlukom broj: 101-1-4093/24 od 1.11.2024. godine. U skladu sa Odlukom o pokretanju nabavke ukupna procijenjena vrijednost nabavke bez PDV-a iznosi 6.000,00 KM. Obavještenje o nabavci broj: 66-7-1-125-3-55/24 objavljeno je na portalu javnih nabavki dana 8.11.2024. godine, zajedno sa Tenderskom dokumentacijom broj: 101-1-4183/24.

U skladu sa Tenderskom dokumentacijom i obavještenjima o nabavci dana 22.11.2024. godine sa početkom u 11:30 sati održano je javno otvaranje ponuda. U predviđenom roku za prijem ponuda (22.11.2024. godine do 11:00 sati) zaprimljene su 4 (četiri) ponude kako slijedi:

	Broj protokola	Naziv/ime ponuđača (šifra)	Datum i sat prijema
1.	180-4364/24	YAVUZ COMPANY d.o.o.	20.11.2024 u 12:00 sati
2.	180-4391/24	ŽALUZINE STYLE d.o.o.	22.11.2024 u 09:00 sati
3.	180-4392/24	MEGA-ROLL d.o.o.	22.11.2024 u 09:00 sati
4.	180-4393/24	GRADNJA d.o.o.	22.11.2024 u 10:35 sati

**Nakon izvršenog pregleda ponuda Komisija je jednoglasno konstatovala sljedeće:**

**Ponuda ponuđača „YAVUZ COMPANY“ d.o.o. je ocijenjena kao nepravilna jer nije u skladu s tenderskom dokumentacijom.**

Uvidom u ponudu, odnosno tehničku specifikaciju ponuđene robe ustanovljeno je da ista ne odgovara minimalnoj traženoj tehničkoj specifikaciji, iz sljedećih razloga:

Ponuđač je za stavku 1. (PVC prozor) ponudio dvokrilni otklopno-zaokretni prozor s prečkom izrađen od PVC profila sistem Baufens 8500 Platinum, proizvođača: Yavuz Company d.o.o. Iz Izvještaja o ispitivanju i ocjeni svojstava na temelju ispitivanja br. 72570/033/21-068/21 koji je ponuđač dostavio, a koji se odnosi na gore navedeni proizvod, vidljivo je sljedeće:

- Propusnost zraka ponuđenog otvora je klase 3, dok je Ugovorni organ zahtijevao otvor zrakopropusnosti klase 4;
- Vodonepropusnost ponuđenog otvora je klase 4A, dok je Ugovorni organ zahtijevao otvor vodonepropusnosti klase 9A.

Članom 57. stav 1) Zakona o javnim nabavkama BiH i tačkom 19. Tenderske dokumentacije u postupku propisano je da se ponuđač pridržava zahtjeva i uslova iz tenderske dokumentacije. U tenderskoj dokumentaciji je također navedeno da su ponuđači obavezni isporučiti robu u skladu sa tehničkom specifikacijom kako je navedeno u Aneksu 2 – Obrazac za cijenu ponude s tehničkom specifikacijom. U obrascu za cijenu ponude (Aneks 2) data je tehnička specifikacija kojom je definisan minimalan kvalitet koji Ugovorni organ zahtijeva, a ponuđena roba ponuđača „YAVUZ COMPANY“ d.o.o. ne ispunjava tražene tehničke karakteristike. U skladu sa članom 2. stav 1) tačka I) alineja 3) Zakona o javnim nabavkama („Službeni glasnik BiH“, broj: 39/14, 59/22 i 50/24), ponuda je ocijenjena kao nepravilna jer ne ispunjava uslove u pogledu opisa predmeta nabavke i tehničke specifikacije.



**Ponuda ponuđača „MEGA-ROLL” d.o.o. je ocijenjena kao nepravilna jer nije u skladu s tenderskom dokumentacijom iz sljedećih razloga:**

Uvidom u ponudu ustanovljeno je da ponuđač „MEGA-ROLL“ d.o.o. nije postupio u skladu sa tačkom 16.2. Tenderske dokumentacije broj: 101-1-4183/24 u predmetnom postupku kojom je propisan način dostavljanja dokumenata u svrhu dokazivanja tehničke i profesionalne sposobnosti, odnosno tehničke specifikacije ponuđene robe. Iz ponude ponuđača „MEGA-ROLL“ d.o.o. nije vidljivo da ponuđeni proizvod ispunjava tražene tehničke karakteristike. Na stranici 6. ponude broj: 70-70/2024 vidljiva je slika profila DECCO sa 6 komora, gdje između ostalog stoji: „**mogućnost** primjene mnogih vrsta staklenih paketa“. Nije jasno koji se stakleni paket ima primijeniti u datom slučaju, kako bi se utvrdilo da li staklo ispunjava tražene uslove. U ponudi nisu uopće navedeni podaci o zrakopropusnosti, vodonepropusnosti i otpornosti na opterećenje vjetrom ponuđenog otvora. Ponuđači su u skladu sa tačkom 16.2. Tenderske dokumentacije u predmetnom postupku bili dužni dostaviti tehničku specifikaciju iz koje se jasno može utvrditi proizvođač i model proizvoda koji se nudi, te da ponuđena roba odgovara zahtijevanoj tehničkoj specifikaciji.

Ponuđač je na Obrazac za cijenu ponude s tehničkom specifikacijom (Aneks 2) fizički zalijepio svoj poslovni memorandum. Tačkom 19.2. Tenderske dokumentacije u predmetnom postupku propisano je da ponuđač ne smije mijenjati ili nadopunjavati tekst tenderske dokumentacije. Ponuđačima je zabranjeno da mijenjaju i dopisuju bilo šta na izvornim obrascima koje ugovorni organ priprema i dostavlja uz tendersku dokumentaciju, jer su obrasci (aneksi) sastavni dio tenderske dokumentacije. Ponuđači su dužni da izvorne obrasce popune traženim podacima i da ih kao takve dostave u ponudi. Ukoliko ponuđač bilo šta ispravlja i samovoljno dopisuje na obrascima koji se sastavni dio tenderske dokumentacije time odstupa od zahtjeva iz tenderske dokumentacije.

Članom 57. stav 1) Zakona o javnim nabavkama BiH i tačkom 19. Tenderske dokumentacije u postupku propisano je da se ponuđač pridržava zahtjeva i uslova iz tenderske dokumentacije. U tenderskoj dokumentaciji je također navedeno da su ponuđači obavezni isporučiti robu u skladu sa tehničkom specifikacijom kako je navedeno u Aneksu 2 – Obrazac za cijenu ponude s tehničkom specifikacijom. U obrascu za cijenu ponude (Aneks 2) data je tehnička specifikacija kojom je definisan minimalan kvalitet koji Ugovorni organ zahtijeva, te ponuđač „MEGA-ROLL“ d.o.o. nije dokazao da ponuđena roba ispunjava tražene tehničke karakteristike.

U skladu sa članom 2. stav 1) tačka l) alineja 3) Zakona o javnim nabavkama („Službeni glasnik BiH“, broj: 39/14, 59/22 i 50/24), ponuda je ocijenjena kao nepravilna jer ne ispunjava uslove u pogledu opisa predmeta nabavke i tehničke specifikacije.

**Ponuda ponuđača „ŽALUZINE STYLE” d.o.o. je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 5.949,97 KM bez PDV-a. Ponuđač nije dao popust na cijenu.

**Ponuda ponuđača „GRADNJA” d.o.o. je kompletna i prihvatljiva** i u istoj su dostavljeni svi traženi dokazi propisani tenderskom dokumentacijom, na propisan način. Komisija je



provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije.

Ukupna cijena ponude iznosi 5.993,00 KM bez PDV-a. Ponuđač nije dao popust na cijenu.

U skladu s članom 6. Pravilnika o uslovima i načinu korištenja e-aukcije („Službeni glasnik BiH“, broj: 80/23), e-aukcija je zakazana za 4.12.2024. godine u 13:00 sati. Predviđeno vrijeme trajanja e-aukcije je bilo 10 minuta. E-aukcija je završena dana 4.12.2024. godine u 13:10 sati. Nakon provedenog postupka e-aukcije, u skladu s Izvještajem o toku i završetku e.aukcije od 23.8.2024. godine, utvrđena je **konačna rang lista ponuđača** kako slijedi:

1. „GRADNJA“ d.o.o. s ukupnom cijenom ponude u iznosu od 5.940,00 KM bez PDV-a,
2. „ŽALUZINE STYLE“ d.o.o. s ukupnom cijenom ponude u iznosu od 5.949,97 KM bez PDV-a.

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o nabavci robe dodijeli ponuđaču „GRADNJA“ d.o.o. Mostar, sa ukupnom cijenom ponude u iznosu od 5.940,00 KM bez PDV-a. Komisija je jednoglasno utvrdila da je ponuda prihvatljiva i u skladu s tenderskom dokumentacijom.

**Ovom Odlukom prihvaćen je prijedlog Komisije.** U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi u tri primjerka.

REKTORICA

prof. dr. Alena Huseinbegovic

#### **Dostaviti:**

1. Ponuđaču: GRADNJA d.o.o.
2. Ponuđaču: ŽALUZINE STYLE d.o.o.
3. Ponuđaču: YAVUZ COMPANY d.o.o.
4. Ponuđaču: MEGA-ROLL d.o.o.
5. Nastavničkom fakultetu
6. Arhiva javnih nabavki
7. a/a